

Finansijsko-informatička agencija (u daljem tekstu: FIA)

Adresa: Ložionička broj 3, 71000 Sarajevo

JIB: 4202153990006

PDV broj: 202153990006

koju zastupa direktor Esad Mahmutović, mr.sci.

i

CompanyWall doo Banja Luka (u daljem tekstu: Korisnik)

Adresa: Marije Bursać br 5, 78000 Banja Luka

JIB: 4404511450002

PDV broj: 404511450002

kojeg zastupa Stefan Gajić, direktor

zaključuju sljedeći:

UGOVOR
o ustupanju prava na korištenje podataka iz Registra finansijskih izvještaja

Predmet ugovora

Član 1.

- (1) Ugovorom o ustupanju prava na korištenje podataka (u daljem tekstu: Ugovor) regulišu se prava i obaveze između FIA-e, s jedne strane i Korisnika, s druge strane, o ustupanju prava na korištenje podataka iz Registra finansijskih izvještaja (u daljem tekstu: Registar).
- (2) Regulisanje prava i obaveza ugovornih strana odnosi se na ustupanje i korištenje posebnog izbora podataka iz finansijskih izvještaja privrednih društava za 2020. godinu, putem masovnog ustupanja.

Bitni elementi ugovora

Član 2.

Ugovorne strane su saglasne da su bitni elementi Ugovora:

- a) ustupanje prava na korištenje posebnog izbora podataka Korisniku putem masovnog ustupanja i
- b) naknada koju Korisnik plaća FIA-i za ustupanje prava na korištenje podataka u skladu sa Odlukom o naknadama za usluge Finansijsko-informatičke agencije („Službene novine Federacije BiH“, broj 34/18, 16/20 i 66/20) (u daljem tekstu: Odluka).

Korištenje podataka

Član 3.

- (1) Ugovorne strane su saglasne da Korisnik ustupljeno pravo na korištenje podataka može koristiti isključivo u svrhu koju je naveo u zahtjevu, a koja predstavlja njegov komercijalni interes.
- (2) Temeljan prikaz svrhe korištenja ustupljenog prava na korištenje podataka (izvještajna forma odnosno krajnja forma prikazivanja podataka) Korisnik je obavezan dostaviti FIA-i uz zahtjev na uvid i odobravanje.
- (3) Korisnik dostavlja FIA-i svoje izvještajne forme u printanoj verziji i to u dva primjerka, koja se, ukoliko odobravaju, parafiraju i ovjeravaju od strane FIA-e. Jedan primjerak ovjerenih i parafiranih izvještajnih formi se vraća Korisniku.
- (4) Ugovorne strane su saglasne da je Korisnik odgovoran za korištenje ustupljenih podataka, te da ne smije dovesti u zabludu FIA-u i treća lica u vezi sa izvorom, načinom i svrhom korištenja podataka koje distribuira na tržištu, a sve u skladu sa članom 12. Pravilnika o

uslovima i postupku ustupanja prava na korištenje podataka iz Registra finansijskih izvještaja pravnim i fizičkim licima i načinu njihovog korištenja („Službene novine Federacije BiH“, broj 8/21) (u daljem tekstu: Pravilnik).

Član 4.

Komercijalni interes Korisnika podrazumijeva kreiranje i prezentiranje odobrenih izvještajnih formi navedenih u zahtjevu, koji čini sastavni dio ovog Ugovora, a putem vlastitog informacionog sistema.

Član 5.

Ukoliko Korisnik želi prava na korištenje podataka koji nisu predmet Ugovora ili ustupljeno pravo na korištenje podataka želi upotrijebiti u svrhu koja nije navedena u Ugovoru, dužan je prethodno podnijeti novi zahtjev i zaključiti aneks postojećeg Ugovora sa FIA-om, a sve u skladu sa Pravilnikom.

Naknada za ustupljeno pravo i način plaćanja

Član 6.

- (1) Ugovorne strane su saglasne da će FIA sačiniti fakturu za ustupanje prava na korištenje podataka u skladu sa važećom Odlukom i podnesenim zahtjevom.
- (2) Pojedinačna naknada po podatku za ustupljeno pravo na korištenje posebnog izbora podataka iznosi 0,273 KM.
- (3) Naknada koju je Korisnik dužan platiti iznosi ukupno 191.678,76 KM za 702.120 podataka.
- (4) Korisnik je dužan da izvrši plaćanje naknade iz stava (3) ovog člana u cjelosti na račun FIA-e prije preuzimanja podataka.

Vrijeme i način primopredaje podataka

Član 7.

- (1) Ugovorne strane su saglasne da će FIA ustupiti podatke Korisniku, najkasnije u roku od sedam dana od ispunjena sljedećih uvjeta:
 - a) da su obje ugovorne strane potpisale i ovjerile Ugovor i
 - b) da je Korisnik izvršio plaćanje naknade u skladu sa članom 6. st. (3) i (4) ovog Ugovora.
- (2) Ugovorne strane su saglasne da će FIA tražene podatke ustupiti Korisniku na elektronskom mediju.

Član 8.

- (1) Prilikom preuzimanja podataka ugovorne strane će sačiniti zapisnik o primopredaji.
- (2) Korisnik potpisivanjem zapisnika o primopredaji potvrđuje da je primljene podatke pregledao i prihvatio ih kao uredne.
- (3) Zapisnik o primopredaji ustupljenih podataka smatra se sastavnim dijelom ovog Ugovora.

Obaveze i ograničenja Naručioca

Član 9.

- (1) Korisnik je trajno obavezan i odgovoran da:
 - a) ustupljeno pravo korištenja podataka koristi isključivo u svrhu koja je navedena u zahtjevu i definisana Ugovorom, a koja podrazumijeva zabranu ustupanja trećim licima, povezanim ili nepovezanim sa Korisnikom, sa ili bez naknade, distribuiranja i/ili objavljivanja podataka i izvještaja, u izvornom obliku, ustupljenom od FIA-e;
 - b) navede izvor podataka, odnosno u svom krajnjem proizvodu/izvještajnoj formi navede da je izvor podataka FIA ili u ugovoru sa klijentom jasno naznačiti izvor podataka;

- c) osigura da bude izričito naznačen kao obrađivač podataka krajnjih proizvoda;
- d) osigura da se podaci u izvornom obliku ustupljenom na korištenje od FIA-e, zaštite od dalje prodaje i/ili ustupanja, na bilo koji način, trećim licima, u cijelosti ili djelomično, te se u tom smislu obavezuje da neće vršiti distribuciju niti razmjenu podataka kao ni izvještajnih formi u izvornom obliku elektronskim putem (web servis, web portal ili dr.) trećem licu koji su predmet ovog Ugovora;
- e) osigura da se izvorne vrijednosti podataka ne mijenjaju;
- f) pravilno prezentira finansijski, imovinski i prinosni položaj obveznika izvještavanja, te je u tom smislu dužan osigurati pravo uvida FIA-i u strukturu svojih izvještajnih formi/krajnjih proizvoda;
- g) elektronskim putem (web servis, web portal i dr.) ne može vršiti distribuciju ili prikaz podataka u izvornom obliku koji su predmet ovog Ugovora ili aneksa ovog Ugovora kao ni izvještajnih formi/krajnjih proizvoda koji djelimično sadrže podatke u izvornom obliku trećim licima;
- h) osigura FIA-i trajan, kontinuiran i besplatan pristup sistemu Korisnika za kontrolu svih prikaza/ izvještajnih formi koji su predmet ovog Ugovora ili aneksa ovog Ugovora, te isti omogućiti prilikom primopredaje podataka.

Ograničenje odgovornosti FIA-e

Član 10.

- (1) FIA će podatke iz Registra dostaviti isključivo za one pravne subjekte koji su temeljem Zakona o računovodstvu i reviziji u Federaciji BiH („Službene novine Federacije BiH“, broj 83/09) dostavili uredne finansijske izvještaje za 2020. godinu.
- (2) FIA ustupa podatke nakon zvaničnog zaključivanja procesa kontrole i obrade podataka iz finansijskih izvještaja.
- (3) Za tačnost iskazanih podataka u finansijskim izvještajima odgovoran je obveznik izvještavanja.
- (4) FIA jamči da su ustupljeni podaci istovjetni sa podacima koje su obveznici izvještavanja, pri predaji finansijskih izvještaja i drugih dokumenata, dostavili FIA-i.
- (5) Ugovorne strane su saglasne da FIA nije odgovorna za moguću štetu i druge posljedice koje Korisniku i/ili trećoj pravnoj i fizičkoj osobi mogu nastati zbog ustupanja prava na korištenje podataka iz Registra, ukoliko se FIA prilikom ustupanja podataka pridržavala relevantnih zakonskih i podzakonskih odredbi i ovog Ugovora.
- (6) Izuzetno od stava (4) ovog Ugovora, a u cilju zaštite i detekcije moguće zloupotrebe podataka, FIA će markirati odnosno obilježiti određeni broj podataka u izvornom obliku, koji neće bitno uticati na konačnu svrhu korištenja istih od strane Korisnika niti će izmjeniti suštinu prezentiranih finansijskih pokazatelja finansijskih izvještaja obveznika predaje.

Raskid ugovora

Član 11.

- (1) U slučaju da Korisnik prekrši odredbe Ugovora, i/ili Pravilnika i/ili Zakona o Registru finansijskih izvještaja („Službene novine Federacije BiH“ broj 7/21) (u daljem tekstu: Zakon), FIA ima pravo jednostrano raskinuti ugovor, oduzeti ustupljeno pravo na korištenje podataka i zadržati uplaćenu naknadu, kao i pravo na naknadu štete.
- (2) Na ovaj Ugovor se primjenjuju relevantne odredbe Zakona o obligacionim odnosima („Službeni list R BiH“, br. 2/92, 13/93 i 13/94 i „Službene novine Federacije BiH“, br. 29/03 i 42/11), Zakona i Pravilnika.

Rješavanje sporova

Član 12.

- (1) Sva druga pitanja koja nisu regulisana ovim Ugovorom ili odredbama Pravilnika, ugovorne strane će rješavati po pravilu sporazumom, na principima povjerenja, poslovnog morala i dobrih poslovnih običaja.
- (2) U slučaju spora nadležan je Općinski sud u Sarajevu.

Član 13.

Ovaj Ugovor je sastavljen u četiri (4) primjerka od kojih svaka ugovorna strana zadržava po dva (2) primjerka.

Član 14.

Ugovor stupa na snagu danom obostranog potpisivanja.

Za FIA-u:

DIREKTOR
mr.sci. Esad Mahmutović

Broj:07-11-16-1802-1/21
Sarajevo, 04.05.2021.godine



Za Komisionika:

DIREKTOR
Stefan Gajić

Broj:07-03082-021
Banja Luka, 10.05.2021.

